

全史詳校

伊8
2.611
3



明
2611
卷 9



金史詳校卷三下

卷二十六

地理志下

大名府路 縣二十 當作十九

貞祐二年十月置行尙書省 十一字當改入下兼漕河

事文下

大名府 天雄軍 案元志云金改安武軍則與冀州軍

名同誤也

附近十二猛安 案烏延吾里補傳曷懶路人徙大名路

是也若納蘭胡魯刺烏林荅與等似爲大定後所徙者

與此正隆時事不同

兼漕河事 此上當加泰和六年

縣十 十當作九

大名 廣記無

鎮一 案此下脫注鎮名

魏縣 二字當削 案此縣即廣平已見上洛州不合兩

存

南樂 廣記屬開德府

朝城 廣記屬開德府

開州 宋開德府 廣記屬河北東路



濮陽注鮒鰮山 鰮當作鰮

觀城 廣記作宗城屬大名府未知何年改

長垣 廣記有濮水刁河

河東北路 天會六年析河為南北路 六當作七 河

下已加東

縣三十九 九當作八

太原府 蒼潤軒跋有王庭筠書太原重修廟學記

平晉 廣記無

徐溝 廣記無

壽陽注洞過水 此下當加注興定四年正月割西張寨

置晉州

晉州 正文及注大小十六字並當削 案大書州字非

例提行非式 又廣記有府州府谷一縣麟州新秦銀

城連谷三縣豐州不統縣此志並無文不知何年廢

忻州 忻北作祈非已改

平定州 大定二年 嘗作二十二年

汾州上 此下當加節度使

西河注比二山 二元作干是

石州 舊昌化軍刺史 刺史二字當改入舊字上

興定五年復隸晉陽從郭文振之請也 十五字當削

案文振傳與古里甲蒲察分治諸州故有改隸事與州郡割屬不同

孟門注舊名定胡 名北作各非

葭州 案八 案婁室傳晉甯所部九寨晉甯宋作葭蘆

寨殆併此而九 廣記有臨泉定胡二縣此志屬石州

注通泰寨通泰堡 泰並當作秦

代州 八月罷 此下當加三年七月以朔州廣武縣來

屬

縣五 五當作四

五臺注升為臺州 見郭文振傳

鎮二注興着 着當作羌

廣武 正文及注大小十字當削 案文已詳朔州

繁時注升為堅州 見伯嘉文振傳

隩州 河曲 廣記無

甯化州 甯化 宋志同廣記無甯化縣

嵐州下 此下當加節度使

合河 案元志云金升興州志略

保德州 保德 廣記無

河東南路 縣六十九 九元作八當作五

平陽府 臨汾注天會六年定臨汾為次赤餘並次畿

案赤畿止見此縣志略不備又此縣廣記作望

霍邑注升為霍州 見胥鼎賈邦憲傳

隰州 縣六 六當作五 廣記有溫泉無件城此志溫

泉屬石州

隰川 川北作州非

注石樓山 此下當加注興定五年正月陞件城鎮置為

縣

件城 正文及注大小十六字並當削

吉州下 此下當加刺史

鄉甯 廣記無

河中府 河東注泐水 泐北作內非

滎河注有黃河 黃北作苗非

河津 當卽廣記龍門

絳州上 此下當加節度使 案此爲晉安府以興定所

改故仍稱絳州不與章宗之改相州同例是也

縣八 八元作七是

絳注絳水 此下當加注興定四年十月於汾河之西徙

置平水縣

平水 正文并注大小二十四字並當削 廣記無

解州 芮城注宋隸陝州 案宋志平陸夏二縣亦隸陝

州

聞喜 觀妙齋跋有改修董池神記天眷元年立賈葵撰

滕祐書并題

澤州 軍曰忠昌 見張開傳

潞州上 此下當加節度使

昭德軍節度使 昭德當作昭義亦作昭毅廣記作隆德

兼潞南遼沁 南下當加澤

潞城注潞水 北作路水非

黎城注故壺關口 當作壺口關

遼州 縣四 四當作三

遼山 鎮一注及廢舊芹泉鎮 此下當加注貞祐四年復升平城為縣更名儀城

關一注黃澤 北本無澤字脫已增

儀城 正文及注大小二十八字並當削

沁州中 此下當加刺史

軍曰義勝 見張開傳

懷州上 此下當加節度使 廣記屬河北西路

縣四 四當作三

山陽 正文及注大小二十字並當削

孟州上 此下當加防禦 廣記屬京西北路

宋濟源郡節度 節上當加河陽軍王海

京兆府路 案史稱陝西者兩路之名志列京兆者五路

之號金自收宋永興秦鳳熙河涇原環慶鄜延六路至

皇統二年始併秦鳳熙河為熙秦路見奔賭僕散忠義龐迪等傳又

併涇原環慶為慶原路見張中彥傳乃稱四路元志宋為六路金併四路

大定二十七年復分熙秦為鳳翔臨洮兩路此志五路

本之其稱五路者惟見石抹元毅傳餘傳或稱諸路如張

中孚傳慎或稱一路如統軍提刑宣撫都統按察等文上皆是而海陵天德

二年置轉運司始分陝西為東西兩路如丁暉仁程輝李德賀揚庭李

完等傳 大定十七年詔免十路租稅亦作兩路大安三年

簽兩路軍崇慶元年東路元光元年西路正大四年東西路大抵明昌以後諸列傳未有目及五路者其東西界至無明文惟官志百官俸給從九品文內有東路德順州西路原州之說約略如此

宋爲永興軍路 廣記云漢改

曰鄜延 此下當加大定二十七年定爲五路

縣三十六 六當作七

京兆府 陝西東路轉運司 案宋兩轉運使一爲永興

軍路鄜延環慶屬焉一爲秦鳳涇原熙河屬焉

興平 秋澗集雜著興平閣本記古今名臣畫像皆曰興

平閣本興平京兆縣名而曰閣本初不解其旨近襄陵吉仲和過予觀壁間李衛公東坡等像曰此正興平縣學所臨者嘗聞諸進士武功張徽君美云金大定間某人自秘書郎出宰茲邑悉取平日竊摹內府眞像而圖形焉故有閣本之目 案此乃逸事頗雅馴故附入涇陽 金石後錄觀音像下題字大定十四年又鐘銘十七年鄭時舉撰正書

臨潼注涓戲 涓字當削戲下當加水 金石後錄九陽

鐘銘大定二十一年柴震撰正書

雲陽 宋屬耀州

櫟陽 鎮一注栗邑 栗當作粟 明昌三年置倉

鄠注牛首 此下當加山

咸陽 金石遺文有張浹咸陽縣令題名記大定五年在

縣後宇壁楷亦可觀

乾州 醴泉 宋屬京兆

武亭 宋屬京兆

同州中 此下當加節度使

復改安國軍節度使 案安國與邢州軍名同攷圖經及

王脩傳宣紀元光元年十一月皆仍作定國惟李復亨

傳作安國其改名前後未詳 使下當加承安四年罷

兼副統軍

注舊貢圓筋爾耳羊 大金國志關西羊出同州沙苑大

角虬上盤至耳最佳者為臥沙細筋 秋澗集員先生

炎傳扇尾羊詩云馮翊青草香芊髯柔毛食飽飲若泉

臥沙稀肋瓊筋細帶霜小耳春爾圓扇尾一方移種類

風行萬里搖腥羶吾生本無食肉相不煩挽手愁烹煎

馮翊 鎮二注并藍 當作井監

朝邑 鎮四 淨安寺鐘款有魯苑不書於志沿革未詳

韓城注升為棹州 見合達世勤幹出等傳

耀州 縣四 四當作五

鎮二 此後當加富平 案宋志永興軍路耀州富平縣
元志奉元路富平縣遺山集朝散胡公碑有富平主簿
攷此州下不見改革不應脫載 又廣記有涪化縣宋
志無本志入邠州

同官 鎮一注黃堡 周輝清波雜志嘗見北客言耀州
黃浦鎮燒瓷名曰耀器白者為上北客用以分茶

華州中 此下當加防禦

下邽 明昌三年置武定鎮倉本志但有素化新市二鎮
不載武定

鳳翔路 治秦州 此下當加皇統二年隸熙秦路大定

二十七年更今名

寨十六鎮十六 元作寨十四鎮十五非

號 鎮一注陽平 廣記作平陽

盤屋注升為恒州 見紀元光元年及蒲察合住李癩驢
傳楊奐答千戶等碑

扶風注漳山 山廣記作川

德順州 國初隸熙秦路 秦當作河

升為節鎮軍曰隴安 見西夏傳完顏阿鄰

隴平 宋志作隴干元志同

通邊 宋志作通遠

平涼府 舊爲軍 案文此下脫載升府年月

大定二十六年來屬 八字當改入上後置陝西西路轉

運司文上 六當作七

潘原注桐城山 桐元作銅

鎮戎州 廣記有高平寨無縣

大甯二十二年 甯當作定

秦州下 此下當加防禦

元光二年 當作貞祐三年

貞祐三年 當作元光二年

成紀 廣記有天水縣併入

治坊 治已作冶

西甯注升爲西甯州 遺山集有西甯州同知張公碑

秦安 寨二注弓 元弓下有門是

隴州下 此下當加防禦

汧陽注愉麋澤 愉當作諭

隴安注泰和八年以隴安寨升 案九域志廣記已有之

始金初曾降寨乎

鄜延路 延安府 門山 寨四注置第五副將 見貞

祐三年九月及楊沃衍傳

丹州 宋咸甯軍事 甯下元有郡是

綏德州 清澗 寨十注懷甯 遺山集馮延登碑有廟

學白公墓表有主簿元志延安路綏德州有懷甯縣志

脫載置縣年月

鄜州下 此下當加節度使

康定軍節度 康定當作保大 案九域志廣記玉海宋

志皆作保大

置保大軍節度使 七字當削

洛交注有疏屬山 山下當加黑水

米脂谷 弔伐錄此下有米谷開元堡臨夏寨聖塔

谷威戎城萬安川殄羌寨盧關川杏子堡鶉鵠谷萬全

寨木場口

威延寨 延當作邊 弔伐錄此下有麥州堡定邊軍賀

家原阿原堡木瓜堡

踰九星原 弔伐錄此下有通歸堡定戎堡臥山臺興平

城巢谷寨曙雞嶺秦市川

威川寨 弔伐錄此下有賀羅川板井口通關堡

略古蕭關 弔伐錄此下有秋川堡綏戎堡鏃鏹川口中

路堡鏃鏹川堡西安州山前堡水泉堡定戎寨亂山子

通懷堡 弔伐錄此下有打乘川征原堡

慶原路舊作陝西路 此下當加皇統二年併宋涇原

環慶兩路置 案舊作乃指國初事天德後始改置於平涼志略

縣十九 十九元作十八非

寨十六 十六元作二十二非

慶陽府 慶陽軍節度 廣記無此五字

環州 通遠注蒼子平 蒼元作塔是

寨六注定邊 宋志作縣金當降寨

注浜德烏倫 浜當作濱 倫已作倫

甯州 仍加西字 此上當加以與河北東路甯州即蠡州

同 案志中各州名加改者下必注明如上京路濟改

隆州嫌山東路濟州同又東京路辰改蓋州與南京陳

州音同又河東南路隰加南字與北京隰州即瑞州海濱縣同

又澤加南字與北京澤州即大定神山縣同又遼加南字與東

京遼州即瀋州遼濱縣同又懷加南字與臨潢懷州見慶州境內同

是也若中都潞縣升通州河北西路更通州為濬州同

在天德三年自無庸注惟此與河北東路壽州改為獻

州失注改補

邠州中 此下當加節度使

涪化 廣記屬耀州 金石後錄有雲寂院鐘題字

永壽注宋隸醴州 未詳

原州 彭陽注有大胡河 胡元作湖

涇州中 此下當加節度使宋

本治涇州 州當作川

臨州路 縣一十五 五元作三非

城七 七元作六是

臨洮府 後更為德順軍 玉海作保順

康樂 案宋志作康樂寨遺山集蒲察公銘有康樂知寨

在泰和關中金石記重修州學碑泰和改元立亦稱寨志

脫載升縣年月

洮州下 此下當加刺史 廣記有臨潭縣

蘭州 廣記有五泉金城二縣

鞏州 為通遠軍節度使 此下當加正大中升為鞏昌

府 案遺山集馮延登碑元光初遷鞏昌軍節度副使

完顏仲德傳正大六年移知鞏昌府 亦見徒單兀典傳 元志鞏

昌府宋置鞏州金為鞏昌府大抵元光改軍正大升府

耳 又僕散端傳興定元年奏置行元帥府於鞏州從

之

定西注升為州 見楊沃衍傳

會州 廣記有會甯敷川二縣

縣一注舊有會川城 元志鞏昌路會州金置寶川縣陷

於河西僑治州西南百里會川城名新會州
河州 軍曰平西 見楊沃衍蒲刺都傳

卷二十七

河渠志

兩河悉畀劉豫 齊乘宋南渡後劉豫導樂水東行入濟
水故道爲小清河經高苑縣北至樂安縣入海 案豫
事當在天會間志文略去今補

遷徙無定 夷堅志黃河之南陽武下埽在汴京西北數
爲湍潦所敗每一修築至用丁夫數十萬工金皇統中
嘗決溢發卒塞之朝成夕潰汴守募能投水者探水底

一漁叟自言能潛伏一晝夜遂命備牢醴先祭河神然
後遣之入半日而出曰下有長蛟爲害故埽不能堅非
殺之不可須得寶劍乃濟蛟方熟寢於百丈之淵斬之
易也守取鎮庫寶劍付之將入又言曰願集眾舟於岸
澣以相俟至於水變赤色則令至中流及期水赤漁攜
蛟首奮而登舟洪流陡落卽時埽甯守欲奏以武爵辭
不受多與金帛亦辭旋踵而死守爲立祠於其處請於
朝封爲四將軍以爲龍女三娘之子塑像立於旁靈應
甚著訪之漁家無知者亦不曾詢其姓識者疑爲神云
大金國志皇統五年河決李固渡詔起曹單拱亭及

應天府五郡民修之凡役二萬四千夫五十四日畢工
齊乘金皇統中縣令高通改小清河由高苑縣南長
沙溝至博興合時水又東北至樂安由馬車瀆入海
中州集劉迎河防行云南州一雨十六日所至川源皆
泛溢黃河適及秋水時夜來決破陳河隄又云大梁今
世爲陪京且要築隄三百里鄭爲頭汴爲尾準備他時
漲河水 案此詩爲正隆時事與上皇統三則志文略
去今補

設黃沁都巡河官一員於懷州以臨之 地志皇統三年
置黃沁河隄都大管勾司卽此官志云未詳何年罷

又持設崇樞上下埽都巡河官 樞元作福是 案官志
作福

以河道積淤 淤北作於非

三月拜宗敘 此上當加十年 紀

而寂視被災之民 被北作破非

往行戶部事 戶當作工 傳

黜寂爲蔡州防禦使 案王寂字元老有拙軒集行世是

年爲大定二十六年丙午寂自被黜後卽於殘冬抵蔡

任 集中思歸詩初明年丁未三月得赦音 世宗紀二十

到蔡下詩可證 卯朔萬春節辛亥皇太孫受冊赦集中 至明昌元年丙

萬春節宴罷述懷詩丁未肆書詩可證

召集中有謝為中都轉運刑志明致仕章紀五年後攝

禮部終續夷堅志京

於被災路分推排河耶河當作何

以河水入城秋澗集烏臺筆補論塞絕沁水狀嘗聞衛

州土人云大定二十七年黃沁北泛滄沒州城水至浮

圖第一級此先事之驗也

於是以南京府南京當作開封

胙城案此以胙城為開封所屬地志胙城屬衛州注云

本隸南京海陵割隸滑州泰和八年復隸南京則大定

時當屬滑州不屬南京豈大定六年滑州改屬大名之

後此縣曾復隸南京而志略之耶

陝西西已作州與元本合

四府十六州之長貳案四府者開封歸德河南河中

十六州者懷同衛徐孟鄭濬陝曹滑睢滕單解開濟也

並合

四十四縣之令佐案上文延津封邱祥符開封陳留胙

城杞長垣宋城甯陵虞城孟津河東河內武涉朝邑汲

新鄉獲嘉彭城蕭豐河陽溫河陰滎澤原武汜水衛國

鄉湖城靈寶濟陰白馬襄邑沛單父平陸濮陽嘉祥金

鄉鄆城止四十二縣今攷四府中不帶倚縣者一河南

也十六州中不帶倚縣者七同鄭濬陝滕解濟也餘如
濬之黎陽陝之陝皆倚縣應有河防又開封之陽武曹
州之東明定陶恩州之武城皆舊設埽官者必有脫載
每工百五十文 工下北有錢是
緣北來水勢 北當作比
水勢之溢 之當作泛

築隄用二十萬工歲役五十日五年可畢此役之大古所
未有 二十當作二千 案以此計之每日當用八萬
人較之十二年六十六萬工十八年六十九萬工二十
年一百七十九萬六千餘工二十九年六百八萬餘工

相去甚遠真大役也若止二十萬工不得云大役古所
未有矣

如今南岸 今當作令

太府少監温防 防當作昉紀

皆勿令員闕 遺山集輔國康公碑承安間都水使者言
於朝馬蹄埽河東北流害曰爲多閉之則由徐州東南
入海所經皆葭菼荒穢之地 案志承安後河事全略
故錄

貞祐三年壬申 壬上已加十一月
三年四月 四字已削

使北流德博觀滄之境 案趙秉文奏與此同詳見本傳
以備敵 僕散安貞傳興定元年十月詔防河卒多老幼
疲軟不勝執役之人其令速易之 案志略故錄

漕渠 若恩州之臨清歷亭景州之將陵東光清州之興
濟會川獻州及深州之武強是六州諸縣 三十五字
當改作若滄州之清池南皮恩州之臨清歷亭景州之
將陵東光清州之興濟會川獻州之樂壽深州之武強
是六州諸縣 案文止五州係脫載据地志補

事見漕渠 漕渠當作盧溝河
令官籍監戶 官元作宮是

承按五年 按元北並作安是

各支本色 孫鐸傳泰和末上言民間鈔多宜收歛秋
夏稅本色外盡令折鈔選志貞祐三年上詔監試官曰
養士學糧歲稍豐熟即以本色給之牙吾塔傳近抵宿
州例以楮幣折支自今願支本色合達傳登承天門稿
軍令給月俸本色異恩也蓋自楮鈔通行而粟麥乃有
本色之目此名始於承安中明昌以前無是也

乃命都水監承 承元作丞是

縣三十三 當作三十四 案下文所列實三十四縣
上命天津河巡河官 上元作止是

如有驚 驚元作警是

定國節度使 國下當加軍

由大慶關渡入河 渡北作度非

可漕三千餘萬斛 干當作十

時又於靈壁縣潼郡鎮 案地志靈壁縣無潼郡鎮名

盧溝河 積滓成淺 積北作積非

二十五年 五當作六 紀

卷二十八

禮志一

序 悉載宋故禮器以還 還當作南

復收嚮所遷宋故禮器以旋 旋當作北

為何如也 案章紀泰和三年四月己未命吏部侍郎李

炳國子司業蒙括仁本知登聞檢院喬宇等再詳定儀

禮衛紀大安二年四月校大金儀禮志並略

張瑋 瑋元作曄是

僅集禮若干卷 案今所傳本四十卷

禮存亦不復紀 存上北有雖

南北郊 當闕酉地 酉上當加之

攝太尉 紘石烈良弼 傳

亞終獻官 顯宗亞獻 紀

監察御史 察北作祭是

監禮博士 李晏傳

太常卿 敬嗣暉傳

光祿卿 北無此三字非

郊社丞 丞上當加令

及皇帝版位 王涇大唐郊祀錄雜儀云凡郊廟行事版

位皆黑質赤文天子方一尺二寸厚三寸太子方九寸

厚二寸公卿以下方七寸厚一寸半皆題某官某品位

奉禮郎先設之 案官志奉禮郎掌設版位其制當與

唐同

及致齋之日 及北作方非

上丑二刻 丑元作水是

陳設 諸執事官於其後 官下當加位

又設監察御史二員 察當作祭

又設奉禮郎於壇南 郎下當加位

於壇上第一等 上北作土非

於壇第二等 壇下當加上

外官一百六座 六下當加十

第一等內官 一當作二

第二等每陛 陛當作位

第三等每位蜃尊二內壝內外每辰概尊二 十七字當
改作第三等內壝內每位蜃尊二內壝外每辰概尊二
於饌幔內 於北作在非
又設皇帝洗位 位元作二
及第二等分獻官盥洗位 盥北作二非
非菹 非北作薤非
登皆大羹 大當作太
非菹 非北作薤非
醯醢次之 次之二字當削
登大羹 大當作太

大尊 大當作太
壺尊 壺元作壺是
蜃尊實以汎齊 汎當作沈
奠玉幣 乃奉拜訖俟侍中升壇詣盥洗位 訖俟北作
拜訖 詣上北有請
奠鎮圭玉幣並如儀 幣元作幣是 儀上北有上是
進熟 皇帝乃詣昊天上帝神座前 乃下當加執大圭
諸神位酌尊所 諸當作詣
贊引引第二等第三等內壝內外眾星位分獻 贊引當
作贊者 獻下當加官

殿中監進大圭 此下當加皇帝執大圭升壇上至飲酒
位侍中進爵皇帝搢大圭 案文上下不接係脫刊一
行擬補

卷二十九

禮志二

方丘儀 陳設 皆有玷 玷北作玷是下玷字並同

內壝內外 北無外字是

內壝內外 北無下內字是

又設第一分獻官 一下當加等

登實以大羹 大當作太

皆左實明水右實元酒皆尚醢代 十三字當削 案文
見下總結此複

蜃尊實以汎齊 汎當作沈

省牲器 分別太常卿 卿下當加丞

監禮祭 祭上當加監

奠玉幣 詣壇樂作肅甯之曲 肅甯之曲四字當削

贊者引第二分獻詣盥洗位 此下當加搢笏

詣於首位神座 當作詣首位神座前

進熟 皆一骨一 皆北作背非 一當作以 案据時

享文

實以邊豆 以字當削

俎右邊前 右北作在是

左邊前訖 當作俎在邊前訖

酌太尊之汎齊 此下當加樂作太簇宮溥甯之曲集禮

大簇宮保甯之曲 大簇當作太簇

就拜興拜興 當作再拜訖樂止

酌著尊之醴齊 此下當加樂作咸甯之曲集禮

次引終獻詣盥洗位 此下當加搢笏

升壇正位 此上當加執笏

執事以爵授分獻官酌以授執事者 酌上北有分獻二

字是

邊豆各一 邊豆二字當削

壇北諸瘞坎 壇上當加詣 諸北作詣非

朝日夕月儀 大定二年以無典故罷 案世宗紀是年

正月朔日食故罷而北行日錄正月一日巳初大安門

廷下百官排班朝日太子爲班首四拜約近三百餘人

云事在大定十年則志云罷者乃暫罷非永罷也

如常儀 案宣紀貞祐元年閏九月戊辰朔拜日于仁政

殿自是每月吉爲常志略

高禩明昌六年 章紀二月巳未

卷三十

禮志三

金初無宗廟天輔七年八月太祖葬上京宮城之西南
八已作九 城北作室非

汴京之廟 宋鄒伸之奉使紀畧云丹鳳門中間禁路兩
廊千步廊盡處向東一屏牆向南一大門卽太廟內三
門門上並畫蟠龍殿宇二十五間高大宏麗兩傍修廊
東西各開一門與廊相通蓋百官陪位入此兩門甚便
殿上十一室盡榜金國祖宗諡號每一室計三間東邊
一門西邊一窗嵌一小石室上下有石廣三丈石門一

合可開閉係藏神主處遇祭祀迎神主出石室祭畢復
藏殿宇 元文類楊奐與姚公茂書今汴梁太廟敝家
具有圖說自己亥春定課時有告隱匿官粟者親入倉
檢視而倉卽太廟也因得攷其制度焉石室在西壁正
殿凡二十五間始祖室三間內祔桃廟神主五位其石
室皆在西壁而近南牖世祖二間內祔肅宗一位穆宗
二間內祔康宗一位太祖已下至宣宗各二間係八室
計一十六間其神主石室並在西壁東西夾室各一間
凡有神主處每一間門一牖一門在左牖在右已上共
二十五間

其世祖之龕六 世當作始

出主於北墉下 墉北作牖非

室次 裹以紅絹 裹元作裹是

置北墉下 墉北作牖非

濶二尺五寸 濶元作闊是

畫純 畫元作畫是

亦以紅絹裹之 裹元作裹是

惟濶增一尺 濶元作濶當作闊

冬則又添大虎皮褥二於纒上 纒下當加席

附室次表

皇統太廟 始祖德帝安帝獻祖昭祖景祖世祖肅宗
穆宗康宗太祖太宗徽宗 案此在上京其室次未
詳

貞元遷燕太廟十一室 始祖一 德帝安帝 獻祖一

昭祖一 景祖一 世祖一 肅宗一 穆宗一

康宗一 太祖一 太宗一 德宗一 案此在

中都

大定九代十一室 始祖一 德帝一 安帝一 獻

祖一 昭祖一 景祖一 世祖肅宗穆宗一 康

宗太祖太宗一 睿宗一 凡九代 始祖一 德帝 安帝

附 獻祖一 昭祖一 景祖一 世祖一 肅宗一
 一 穆宗一 康宗一 太祖一 太宗一 睿宗一
 一 凡十一室 案此中都太廟在大定十九年以
 前者與樂志郊祀前朝享樂歌合德帝安帝無詞附
 始祖也熙宗無詞未增室也十九年後增熙宗一為
 十二室
 明昌十二室 始祖一 德帝安帝附復 景祖一 世
 祖一 肅宗一 穆宗一 康宗一 太祖一 太
 宗一 熙宗一 睿宗一 世宗一 顯宗一 案
 此在中都

大安十二室 始祖一 德帝安帝獻 景祖一 世祖
 一 肅宗一 穆宗一 肅宗附 太祖一 太宗一
 熙宗一 睿宗一 世宗一 顯宗一 章宗一
 案此在中都
 貞祐遷汴十一室 始祖一 德帝安帝獻 景祖一
 世祖一 肅宗附 穆宗一 康宗附 太祖一 太宗一
 熙宗一 睿宗一 世宗一 顯宗一 章宗一
 案此在南京張行信言十七室者兼數六祧廟也
 正大十一室 始祖一 德帝安帝獻 景祖一 世祖一 肅
 附 穆宗一 康宗附 太祖一 太宗一 熙宗一

羊安三下志

睿宗一 世宗一 顯宗一 章宗一 宣宗一
案此在南京

禘祫 圖經云金人本無禘祫之禮至亮徙燕後議者多
陳東郊配天之事亮恥效中國舊制令別論之禮官進
以三年一禘五年一祫乃上古之制禘取夏四月祫取
冬十月從之 案夏殷以前有禘之祭而其制未詳漢
唐以後有禘之名而與祫無別宋神宗論廷臣議罷禘
禮是也

又言海陵時每歲止以二月十月遣使兩享三年祫享
海紀貞元元年十月停祫祭樂志天德二年三月祫貞

元三年十一月祫

儀闕

宣紀興定四年四月戊辰禘元光二年十月己卯

祫哀紀正大三年四月親享 案志略故錄

朝享儀大定十一年 案雜儀云世宗大定三年行七十
二拜禮至六年減為十六拜仍存七十二拜之儀則是
年當一十六拜而此文乃五十拜或疑兩次位如儀之
說並屬具文減去十室四十拜則尤不合矣此篇雖以
十一年冠首中間必參明昌儀注非大定原文

陳設大次殿 此下當加門外 案上宗廟云內垣之南
曰大次本文下云皇帝出次至東神門外

於每室內北墉下 墉北作牖非

奉匱幣巾筐官 幣元作榮是

乾籛 籛元作籛是

晨裸 二鼓祝 二元北並作工是

進熟 登歌樂作至尊彝所 八字當削

以爵授進爵官 官上北有酒是

酌獻 詣飲福位 詣上當加請

時享 集禮天德二年儀四月稟定平章政事滕王攝太

尉充初獻 王宗睦攝司徒行禮吏部尚書烏里也攝

太常卿亞獻禮部尚書盧彥倫攝光祿卿終獻四月十

五日行禮

大樂局 當作太樂令

掃除廟殿門之內外 此下當加又設七祀柴燎於廟門

之外集禮

學士院定撰祝文 集禮大定二年十一月呈稟昨檢到

唐開元禮宋正辭錄時享祝文並用定本今定撰到春

夏秋冬臘五享祝文下項准行十一室通用祝文維某

年歲次甲子某月甲子朔某日甲子孝曾孫嗣皇帝臣

某某謹遣具官臣姓名敢昭告于始祖尊謚皇帝始祖

妣尊謚皇后伏以歲序伊始品物咸新有嚴太官聿修

言禮三十一
祀事仰祈鑒格永錫蕃釐謹以柔毛剛鬣明粢薌合薌
其嘉蔬嘉薦醴齊虔恭齋粟以備清祀尙享今於康宗
已下稱孝孫於睿宗稱孝子於熙宗止稱嗣皇帝於別
廟皇后言尊號夏云序當長養代屬南訛秋云孟秋屆
序萬寶順成冬云元英首氣閉塞成冬臘云歲功云畢
樂茲嘉平 案天德祝文不詳

捧出后主置於座 此下當加每室神主各置定

俱自南東偏門入 南下當加神禮集

詣廟殿東階下西向位 位北作立非

次升豕及羊 及元作如是

對舉入鑊 入鑊二字當削

次升豕及羊 及元作如是

出室戶外北向立 比元北並作北是 立當改作再拜

訖三字

次引宮衛令 衛北作闈是

卷三十一

禮志四

奏告儀 皆藉以篚 篚元作席是

大定七年正月十一日 一當作三

告官以爵奉授奉爵酒官 北無上奉字是

皇帝恭謝儀 典瓚儀 瓚元北並作贊是

皇帝洗手訖 洗當作悅

奏請執圭興 興上北有俛伏是

奉爵酒官 奉北作奏非

三祭酒 祭當作啐

宮縣作 作上當加樂

侍臣前承旨 臣當作中

皇太子恭謝儀 由太廟西階 階當作垣

薦新 八月羞以芡 芡當作茨

制可 案章紀泰和二年五月辛亥初薦新於太廟豈此

禮久廢且不附時享而特薦者故云然耶

功臣配享 詔以撤改辭不失斜也臬幹魯阿思魁忠東

向配太祖位以粘哥宗翰幹里不宗望闍母婁室銀朮

可西向配太祖位 案諸功臣與傳合者斜也臬幹魯

阿思魁忠幹离不宗望闍母五人是也而撤改辭不失

粘哥宗翰婁室銀朮可五傳皆不書更攷幹魯古蒲家

奴兩傳並云天德二年配享太祖則不止十人 又東

向配太祖則西向當配太宗既思海陵立制不妨專主

太祖故宗望傳作太宗闍母傳作太祖

又以斜也幹魯撤改習失阿思魁配享太祖宗望闍母宗

翰婁室銀朮哥配享太宗 習失當作習不失 哥當作可 案大定三年配享惟撒改傳有明文餘皆不書第攷宗雄傳大定二年配太祖亦不止十人 又習不失傳明言大定三年配太祖蓋此文中二人之名始終互錯下八年十八年明昌四年同攷異未檢及此其兩辭不失云云者不足據也王彥潛撰婁室碑亦訛習失爲習不失思敬傳同

上命圖畫功臣於太祖廟 案志主配享兼及圖畫爵諡惟撒改宗雄韓企先三傳配位封爵贈諡圖像四事全載三書爵諡配者宗翰習不失銀朮可撒离喝也爵諡

圖者習失也兩書爵諡者宗望闍母斜也希尹幹魯古也配爵者宗弼婁室阿离合懣也止書爵者完顏忠劉彥宗也全不書者幹魯也

乃定左廡 此上當加十五年 案世宗紀圖像乃大定十四年十月詔文故列傳多言十五年

皇伯 案志自世祖以下之子孫始加伯叔伯叔祖之稱於銜名上自景祖以上之子孫止書銜名蓋當時定制如此

特進宗人辭不失 辭不失當作習失傳
開府金源郡王習失 習失當作辭不失傳

前燕京留守 前字當削

十八年黜辭不失 辭不失當作習失 案習失傳所載

二十人與明昌序次合習失果在數外傳言凡二十一

人不言黜乃知黜降非黜廢也第攷上文習失本在韓

企先下亦不必言黜

二十二年增皇伯太師遼王斜也撤改宗幹宗翰宗望其

下以次列 王下當加宗幹其序 案世宗之與斜也

乃皇叔祖不合稱皇伯又斜也等並已見上左右廡不

合言增又此撤改下忽有宗幹名而上文無之始知皇

伯太師遼王自屬宗幹志文脫刊耳蓋宗幹為海陵之

父追尊帝號久矣無由入圖配之列世宗是年四月以

削明肅詔中外本傳追削後即封皇伯太師遼王

行慶宮舊容 擬改服色世祖念功當必隨詔第功增入者夫然後

斜也本以右廡之二進列左廡之一撤改退處右廡之

一宗幹左二宗翰右二宗望左三所謂其下以次列也

下文明昌定次本此習失傳同

皇叔祖 案大定年之伯叔祖伯叔在明昌時當為高伯

叔祖曾伯叔祖不合悉仍舊稱此志文脫略處

宗幹幹魯 魯當作本

毅武王習失 習失當作習不失 案傳諡忠毅與撤改

羊交三下志

三

同非也此諡當為明昌改定

襄武王完顏銀朮可 本傳作武襄

斡里古莊翼 當作莊翼斡里古

完顏辭不失威敬 當作威敬習失 案傳諡威敏與宗

雄同非也此諡當亦明昌改定

莊義王完顏夔室 莊碑作壯

莊明王闕母 案傳諡莊襄與撒商喝同非也此諡當亦

明昌改定

金源郡武定王紇石烈志甯 案攷異云百官志紇石烈

例封廣平郡志甯傳亦云封廣平郡王此稱金源疑誤

非也攷志甯傳十一年北征還封廣平郡王世宗紀不書更

攷七月宗敘薨後志甯代征往返約在十月又言郊祀

覃恩進封金源郡王不兩月間以勞以恩再進封夫封

王尊之也廣平改金源親之也與程琢以功賜姓夾谷

奏請更賜完顏見伯嘉傳及移刺眾家奴賜姓完顏夾谷清

臣賜同本朝人同例

著為令 案志中僕散忠義諡武莊紇石烈良弼諡誠敏

石琚諡文憲皆失書又李石徒單克甯紇石烈志甯張

涉紇石烈良弼宗敘六人皆明昌五年增祀僕散忠義

石琚唐括安禮徒單合喜四人皆泰和元年增配不得

概列明昌四年下又丞相襄張萬公乃大安元年配享
章廟克甯復同時改配僕散端完顏承暉乃正大三年
配享宣廟則在南京志并不書並屬率路

寶玉 注皆方二寸 元作自方三寸

相傳為秦璽 秋澗集傳國璽記暉案金集禮玉璽一十
五面俱得之於宋內受天璽者宋紹聖間得之咸陽段
氏當時命禮部翰林太常等官攷驗實係漢前玉璽遂
以禮祇受金亡莫究所在今所進玉色校集禮所載即
此璽也

注共三十五面 三元作二非

注係水晶 案靖康要盟錄又有無字玉寶一內省出納
銀印一

皇統五年始鑄金御前之寶一 集禮二月二日施用

高厚各四寸六分 此下當加有半 左光慶傳

及常例奏目 目北作日非

廣長各加一分 案宣紀貞祐四年二月金鑄撫軍之寶

授皇太子志略

雜儀 後恐大豐 元作復恐大豐是

又以九月五日祫享 九月五日當作十月七日 案世
宗紀十月甲子大享乃七日

十年正月 此上當加九年十月詔宗廟之祭以鹿代牛
案世宗因鹿代之令故下文十年有更牛之問九年
紀文不當略去

未嘗用犢 未當作舊

右丞瑋 卽劉瑋

上曰世宗聖壽高故殺其禮亦不立於位今當從禮而已
二十二字當改入下凡十六拜文下 案此下大定
六年定晨禩行禮至凡十六拜一百二字皆劉瑋對話
此二十二字乃章宗答瑋語其字數合刊本一行書手
倒寫在前故也

貞祐二年 二當作四 紀

爲修太廟使 修下當加奉 紀

總七十九拜 九當作三 案室次文南京止十一室禩
獻每三計六拜十一室當六十六拜合版位兩拜飲福
五拜得七十三

今升祔 指昭聖皇后

則徧及祧廟五室 五當作六 案室次文南京十一室
權祔肅宗於世祖室中則并德安獻昭康五位凡六室
則爲九十二拜而已 二當作三 案章宗時自始祖至
顯宗凡十六位每位減一拜以減一百九拜得九十三

又皇帝 又北作文非

張行簡 簡當作信 攷異云

大定三年 三北作二非

每室各五拜 案自始祖至睿宗十三室計六十五拜

隨室酌獻讀祝畢兩拜 案自始祖至章宗十七室計三

十四拜

卷三十二

禮志五

上尊諡 遣攝太尉皇叔祖大司空昱 集禮司空昱攝

太尉右丞相宗翰攝中書令進用左監軍谷神攝侍中

奉寶郎君查刺郎君阿古打攝中書令奉冊西京留守

高慶裔攝門下侍郎讀寶兵部侍郎烏魯翰翰林學士韓

昉攝中書侍郎讀冊禮賓使末里等二員攝給事中

廟號徽宗 集禮尙書令宗磐攝侍中進寶錄尙書事宗

幹攝中書令進冊右丞相宗翰攝太尉郎君烏都木

員攝侍中奉寶左監軍谷神郎君昂攝中書令奉冊西

京留守高慶裔乾文問學士蔡靖攝門下侍郎讀寶禮

部尙書韓昉樞密副承旨趙輪攝中書侍郎讀冊金吾

蕭慶攝給事中舉寶乾文閣待制吳激攝中書舍人舉

冊

天原肇發 原當作源

應變若神 此下當加皇曾叔祖太師道口知言智窮博

識始構經營之力卒成奄宅之勲 案此文敘肅宗事

刊本因兩皇曾叔祖太師止載穆宗一段脫去此段据

集禮補

只於慶元宮上冊寶從之 集禮六月十九日命禮部尙

書翰林承旨宇文虛中撰冊文二十二日差應奉王競

造冊寶吏部員外郎高鳳廷造蓋匣牀九月二十五日

左丞相宗弼充大禮使會甯牧裴滿達攝侍中奉寶平

章勗攝侍中讀寶平章奕攝中書令奉冊左丞憲攝中

書令讀冊右丞蕭仲恭參政李德固攝引寶門下侍郎

同判口盧果吏部尙書允攝引冊中書侍郎

奉上尊冊寶 尊下當加諡

御史臺摧班 摧元北並作催是

閣門唱百官皆再拜 唱元作竭非當作喝

卽御座簾降 降北作降非

十二月一日奏告如儀 集禮命口口宗本左丞相宗憲

右丞相蕭仲恭充奏告獻官

大定三年 大北作太非

二年八月一日 二當作三

或十六字 六當作八

即今睿宗皇帝更合增上尊諡 集禮直學士劉仲淵撰

增諡議九月一日命禮部尚書兼翰林承旨王競撰冊

文并書篆冊寶

大尉行事制可 大元作太是 集禮十月五日命戶部

侍郎曹望之兵部郎中韓鐸編排儀仗命右平章宗憲

攝太尉行禮左平章元宜右丞翟永固攝侍中奉寶讀

寶右丞良弼參政蘇保衡攝中書令奉冊讀冊判宗正

京同判謀術攝門下侍郎引寶勸農使按荅海御史大

夫李石攝中書侍郎引冊

皇帝步詣冊寶幄次 步上當加執圭 案下有摺圭知

上當有執圭

至大安殿下當中褥位 此下當加西向 案文不言皇

帝面向擬補

宣徽使奏皇帝摺圭跪捧冊授太尉摺笏跪受訖執笏

奏下當加請 冊下當加匣 太尉下當加太尉 訖

下當加以冊匣授中書令 案文有此句下文方可執

笏

宣徽使奏皇帝摺圭跪捧寶盞授太尉太尉摺笏跪受訖

執笏 奏下當加請 訖下當加以寶盞授侍中

門下侍郎奉置於寶床 奉下當加寶盞

十月一日 集禮作五日

完國公臣定顏宗憲 完已作定 定已作完並與元本

合

各奉冊寶降幣 幣當作輅集禮

奉寶床入自殿門 奉下北有冊是

各就西北褥位 西當作面

今擬增上閱宗尊諡 集禮十八年九月十六日差吏部

郎中楊鑄等監造冊寶十一月十九日禮部尚書張景

仁撰諡冊議吏部侍郎鄭子聃撰諡冊文直學士王彥

潛書冊篆寶十九年三月十二日差兵部侍郎胡薛同

知大興尹王佐編排儀仗四月二日差吏部尚書天錫

於六日奏告太廟戶部尚書張仲愈告本廟十日命皇

子趙王攝太尉左相守道右相石琚攝侍中奉寶讀寶

平章習顯平章安禮攝中書令奉冊讀冊

四月乙丑 世宗紀作三月辛卯朔

二月丁卯 章紀作正月

卷三十三

禮志六

太宗天會二年 太上當加原廟 二當作三

皇統七年 集禮四月十一日

東京御容殿成 集禮七年八月以東京御容殿工畢命畢王宗哲等充奉送孝甯宮御容使副

世宗大定二年十二月詔以會甯府國家興王之地宜就慶元宮址建正殿九間仍其舊號以時薦享 三十九字當改入後門曰崇聖文下 集禮十二月二十七日又五年八月十一日奏用原立宮門名額從之

天德四年有司言燕京興建太廟復立原廟 集禮十月命李堇胡刺姑祕書少監楊邱忠充使副送御容赴燕京奉安於原廟

宜止於燕京所建原廟行事 章紀泰和元年十二月辛

巳勅改原廟春秋祭祀稱朝獻

大定二年 集禮十月十二日行禮

五年 集禮七月二十五日奏稟

遣官奉安 集禮引進使高瑞仙充使副

班首降階復位 此下南北本皆存空白一頁已補今錄於後

同執事官再拜訖退十五年二月有司言東京開覺寺藏睿宗皇帝阜衣展裏眞容勅遷本京祖廟奉祀仍易袍色明年四月詔依奉安睿宗禮奉安世祖御容於衍慶宮前

期有司備香案酒果教坊樂至日質明親王宰執率百官
公服迎引至衍慶宮凡用甲騎百人傘二人扇十二人香
輿八人綵輿十六人從者二十四人執事官二人弩手控
鶴各五十人贊者二人禮直官二人六品以下官三十員
公服乘馬前導奉安訖百官再拜禮畢退立宮門之外迎
駕朝謁十六年正月有司奏奉勅議世祖皇帝御容當於
何處安置臣等參詳衍慶宮卽漢之原廟每遇太祖皇帝
忌辰百官朝拜今世祖皇帝擇地修建殿位庶可副嚴奉
之意從之乃勅於聖武殿東西興建世祖太宗睿宗殿位
既而復欲擇地建太宗殿於歸仁館有司言山陵太祖太

宗睿宗共一兆域太廟世祖太祖太宗睿宗亦同堂異室
今於歸仁館興建太宗殿位似與山陵太廟之制不同詔
從前議止於衍慶宮各建殿七間閣五間三門五間乃定
世祖殿曰廣德閣曰燕昌太宗殿曰丕承閣曰光昭睿宗
殿曰天興閣曰景福十九年五月六日奏告七日奉安執
事禮官三人每位香案一祭器席一拜褥一盥洗一大勺
篚巾全前一日太廟令率其屬埽除宮內外又各設神位
凡二十行行二十二字計四百四十字又各設神位
與後頁首於殿上文接

十五年二月 集禮二十五日

藏睿宗皇帝早衣展裏真容 睿宗當作世祖

乃定世祖殿曰廣德 集禮十八年十月三日奏定

執事禮官三人 三元作二是

奉安於天慶殿 慶當作興

二十一年閏三月 集禮二十六日

朝謁儀 當自提行

立班以俟 集禮品官每員引色衣從人一名御溝內分

左右排立

奏請並宣徽使 北作二宣徽使奏請

十九年舉安禮同 舉元作奉是 同下當加宣宗貞祐

三年七月丁丑肅宗神主至自中都奉安於明俊殿已

卯明德皇后神主至自中都八月庚子太祖御容至自

西京奉安於啟慶宮九月癸酉朝謁世祖太祖御容於

啟慶官行獻享禮甲戌朝謁太宗熙宗睿宗御容行享

獻禮 案志略故補

朝拜儀 簾降更衣引皇太子以下官 引上當加典贊

儀

大定五年 集禮八月二十八日

六年 集禮八月

十六年 集禮四月二十二日

別廟 十四年廟成 集禮十三年閏正月二十一日奏
建別廟三月十三日差戶部尚書曹望之告太廟十六
日啟土差禮部郎中王中安告太歲十月二十五日上
梁差禮部郎中蒲察思烈祭土地

十五年三月戊申 集禮二十一日命中丞劉仲誨造神
主王彥潛題寫皇子趙王攝太尉充初獻禮部尚書張
景仁攝司徒刑部尚書梁肅攝侍中太府監白鉢少尹
高居中充亞獻終獻勸農使莎魯古告廟
差大理卿 太元作大是
十七年十月 集禮十四日己卯

大定十九年四月 大定當削 集禮四月二十日

昭德皇后廟 昭當作明下昭字同 見本傳及烏林荅暉傳

至幕次引親王百官 引上當加禮直官

宣孝太子廟 建三門一 三當作正

卷三十四

禮志七

貞元元年 貞上當加社稷皇統三年五月始立社稷于
上京

建社稷壇于上京 上已作燕

太宮合入實罇鬯以酒 宮元北並作官是

樂作太簇宮正甯之曲

簇當作族

下簇字並同

西向跪奠爵訖 西北作面非

樂作應鐘宮娛甯之曲 鐘元作鍾是

少稷於故處 稷北作移是

一遵唐宋舊儀 此下當加宣宗貞祐四年二月甲辰命

禮部尚書張行信修奉社稷三月己巳遣預告十月戊

辰奉安

風雨雷師 祭雷神於位下 神北作師是

嶽鎮海瀆大定四年 世宗紀六月初定祭禮集禮六月

二十一日

祭東嶽於泰安州 嶽下當加泰山 集禮大定二十一

年正月十二日奉勅旨東岳宮官裏蓋來底五大殿三

大門撰名閏三月一日奏定正殿曰仁安皇后殿曰蕃

祉寢殿曰嘉祥真君殿曰廣福炳靈王殿曰威明外門

曰配天東曰景暉西曰圓景二十二年四月二十一日

以修蓋東嶽廟告成奏奉勅旨命翰林侍講楊伯仁撰

碑十月九日又以中嶽南嶽北嶽重修廟宇工畢命待

制黃久約修撰趙攄應奉党懷英定撰各廟碑文 寘

宇訪碑錄重修東嶽廟碑楊伯仁撰黃久約正書大定

二十二年四月山東泰安又苗口撰苗口書泰和六年

五月

東鎮于益都府 鎮下當加沂山

南鎮會嵇山 嵇元作稽是

祭中嶽于河南府 嶽下當加嵩山 集禮大定十三年

送下陳言文字該嵩山中岳乞依舊令本處崇福宮道士看守禮部擬定委本府於所屬揀選有德行名高道士二人看管仍令登封縣簿尉兼行提控蒙准呈續送到陳言文字該隨處嶽鎮海瀆神祠係民間祈福處所自來多是本處人家占守及有射糧軍指作優輕數換去處遇有祈求邀勒騷擾深不利便乞選差清高道士

專一看守契勘岳鎮海瀆係官爲致祭祠廟合依准中嶽廟體例委所隸州府選有德行名高道士二人看管仍令本地官員常切提控外其餘不係官爲致祭祠廟止合准本處舊來例施行蒙准呈十九年十月看嶽廟道士告乞依舊例差設百姓廟子人等勾當本部擬依泰安軍講究到設廟子七人招召土居有物力不作過上戶充於本廟收到火錢內每月支錢三貫二年一替是爲長便蒙批降仰設道士十人管勾如本處數少於附近州府縣分選取滿替依舊例 訪碑錄重修嵩嶽廟記隨琳撰蔡如葵正書皇統五年十一月范氏拓本

又碑黃久約撰郝史正書大定二十二年十月河南登封又廟圖正書承安口年同上又記趙亨元撰楊仲通正書范氏拓本又記李子樗撰陳忠正書正大六年九月范氏拓本

西瀆於河中府 瀆下當加大河

濟爲清源王 攷異云以宋禮志攷之諸名皆仍宋舊惟江瀆宋爲廣源此爲會源或轉寫之譌然章紀明昌六年十二月明有加上五鎮四瀆王爵之文豈別有加上之字而史失之歟予家藏金時石刻有濟瀆靈應記史稱顯祐清源王碑立於正大五年此四字王爵或即明

昌所上或後來所加 訪碑錄濟瀆靈應記韓時舉撰并正書正大五年二月河南濟源

大卷三十五

禮志八

宣聖廟 二月 二當作三

顧儒臣曰 至 使萬世高仰如此 二十七字當削 案文已見熙紀及孔璠傳

各一百二十三 一北作二非

爵九十四 四當作三

禮行三獻以祭酒司業博士充 案此文又見章紀明昌

三年四月似疑大定詳定中雜以明昌制度然此文下
言本署官充樂工章紀則改用太常樂工章紀又有春
秋釋奠獻官法服學官公服等制而此文無之其制自
別若世宗大定二十三年遣右丞張汝弼攝太尉致祭
集禮云省差直學士呂忠翰待制任側充亞終獻官者
自是特祭于孔子非例也

分獻官二 獻元作奠是

太平極致 此下當加明昌三年四月詔改定宣聖廟春
秋釋奠及太常樂工執事官服制等四年八月丁未釋
奠孔子廟北面再拜 案志例最重改制且史中親祀

止熙宗及章宗兩人皆不得以紀文已載而略之

承安二年春丁章宗親祀 章紀不書是年二月爲乙巳

朔三日丁未

武成王廟 又躋楚王宗雄宗望宗弼等 案蒲察思忠

傳復有婁室谷神等議志略

遼王賽也等 賽當作斜

攷異云

諸前代帝王 而不請署 此下當加四年詔定前代

至

從之 案文從章紀改出因須加字故復略載

長白山大定十二年 集禮二月三日

十五年三月 集禮二十三日

遣使副各一員 集禮咸平少尹婁室充使宣判張國基
充副封冊用八月二十日戊辰如有妨礙用二十四日
壬申

其冊文云 王庭筠傳章宗曰近党懷英作長白山冊文
殊不工即此

明昌四年十月 紀在十二月甲寅指封日也

大房山 今遣某官某 集禮差涿州刺史高季孫充冊

使修撰趙攄充副使

混同江大定二十五年 集禮四月十三日

執徐之歲 指二十四年甲辰

彌億年 年上當加萬

嘉蔭大定二十五年 集禮四月二十日

遇月七日 月上脫載月數

瀘溝河神 瀘當作盧

大定十九年 集禮十一月十七日

昭應順濟聖后大定十七年 集禮十二月

鎮安公 明昌六年八月 八當作九 紀

瑞聖公 明昌四年八月 四當作六 八當作九

祈禱 啟道場所禱 案宣紀興定元年十一月丙戌遣

侍講楊翼崇志略

拜天 以重五中元重九日 案太祖紀收國元年五月
甲戌拜天射柳故事五月五日七月十五日九月九日
歲以爲常海紀貞元二年九月己未常武殿擊鞠令百
姓縱觀世宗紀大定三年五月乙未以重五幸廣樂園
射柳命皇太子親王百官皆射勝者賜物有差上復御
常武殿賜宴擊毬歲以爲常九月丁酉秋獵以重九拜
天于北郊十七年五月癸卯幸姚村淀閱七品以下官
及宗室子諸局承應人射柳賞有差顯紀十七年五月
甲辰侍宴常武殿
卽章紀明昌元年五月戊午拜天于西苑射柳擊毬縱
百姓觀承安三年五月壬寅射柳擊毬縱百姓觀泰和

元年五月甲寅擊鞠于臨武殿令都民縱觀三年五月
壬申以重五拜天射柳上三發三中四品以上官侍宴
魚藻殿七年五月己卯幸東園射柳宣紀興定四年五
月甲午上擊鞠于臨武殿如上率於五月九月惟七月
無攷

卷三十六

禮志九

國初卽位儀 諳班字極烈 班元作板
受尊號儀 大赦改元 案集禮有天德貞元二冊儀志
略

太定七年 太元作大是

閣門報 閣元北並作閣是

閣門官 閣元北並作閣是

服袞冕以出 服上當加皇帝

曲直甲蓋 甲元作華是

鳴鞭說 說元北並作訖是

奏乾甯之曲 乾當作泰 樂志集禮

儀使副 儀下當加鸞

通事舍人 人下當加二員

奏歸美揚功之曲 集禮作天保報上之曲樂志同

藉寶冊褥位上少置 寶冊元作冊寶是

閣門舍人 閣元北並作閣是

樂奏肅甯之曲 肅當作和 樂志集禮

並進前取冊匣升 案樂志注云冊寶將升殿皇太子自

侍立位降階或以是年太子未受冊故通儀無文而下

文十四日肆赦儀乃歷書皇太子褥位何耶係脫載

樂奏肅甯之曲 肅當作和

於前楹立以俟 立上集禮有稍東二字

退於前楹稍西立 西集禮作東

樂奏肅甯之曲 肅當作和

昇寶官亦退 案集禮此下有皇太子儀亦脫載

致賀詞云云 集禮云誕膺徽號光御珍圖典儀告成寰

宇均慶

宣詞云云 集禮云勉從眾欲昭受鴻名禮文既成與卿

等內外同慶

并自東階 并當作升

入自東房 東當作西

服通天冠 服上當加皇帝

儀使副等 儀下當加鸞

奏景命萬年之曲 案樂志此曲作萬壽無疆又聖德昭

明作王道明昌又保大定功 貞元 舞名 作功成治定 皇統 舞名 又

天贊堯齡作天子萬年又萬國來同 貞元 舞名 作四海會同

又慶雲作嘉禾其名不同者蓋樂志為後來改定堯齡

之諱嘉禾之改可見 又樂志有皇太子升殿賀奏同

心戴聖之曲此儀無之亦係脫載

入自東房 東當作西

元日聖誕上壽儀 案集禮此為今減定拜數儀攷北行

日錄正月一日入賀凡五十七拜五次舞蹈二十五拜

為大定十年事故與此不同

有再拜 有元作又是

大定六年 不必提行

朝參常朝儀天眷二年五月 集禮十三日

自宣徽閣門祇候 徽下當加至

大定二年 不必提行

肆赦儀 又設皇太子侍立褥位於門下稍東南向 南

元作西與集禮合

司天臺雞唱生於東闕樓之上 生集禮作坐

躬謝禮畢 案皇帝當自太廟回已見上恭謝儀

臣下拜赦詔儀 同高几上 高當作陛

卷三十七

禮志十

冊皇后儀天德二年十月九日 集禮十月二日差待制

王競篆冊寶兵部郎中劉仲延造匣盤侍讀劉長言撰

冊文命禮部尚書宗安告天地特進按荅海告宗廟太

尉正員司徒以思忠攝十月九日勤政殿發冊泰和殿

受冊 案十月九日乃發冊日故與海紀后傳月日不

同

立於殿下東廊橫街北 街當作階集禮

宮縣作 此下當加乾甯之曲樂志

侍中臣言 臣下當加某

又設內命婦次於殿之左右 北無於字非

宮縣作 此下當加昌甯之曲樂志

北向揖 揖字已削

內侍閣門引升座 引下當加后

奉冊皇太后儀天德二年正月 集禮正月差禮部員外

郎王競等造冊寶印禮部郎中胡礪等造匣盞牀直學

士劉長言撰冊文王競書篆冊寶命太師勛太尉裴滿

達充奉冊太尉太保宗本右丞同古辯充奉寶司徒

奉冊唐殷國妃 唐殷宗幹傳作梁宋

詣別殿門外幄次 幄北作握非

又奉外辦 奉元作奏是

重行西向立定 西當作北

進至兩宮太后座前褥位 太上元有皇是

舉冊官單跪舉 舉上元有對是

舉寶官單跪對 對下元有舉是

迴寶西北向 西當作函

謹請皇帝詣兩宮皇太后前行稱賀之禮 集禮本部擬

俟皇太后並升坐即奏請皇帝於殿上稍南西向待立

至讀冊寶訖奏請行稱賀之禮 案海陵不從故改去

冊皇太子儀 東宮官導從不乘馬 案下文明言乘馬

此乃擬奏而不從者

帥鸞儀司 元作帥儀鸞司是

其日兵部帥其屬 其日二字當削

並朝殿入次 殿當作服

昇冊寶床臣以出 臣已作人當作匣

正旦生日皇太子受賀儀 棲臺進酒 棲元作接是

師少皆再拜 張行簡傳國朝皇子元正生日三師三公

宰執以下領羣官同班拜賀皇太子立受不荅拜是也

皇太子與百官相見儀 荅揖如前 如元作同

迎送皆同 案顯宗紀大定十五年詔五品職事官謝見

皇太子志略

卷三十八

禮志十一

曲宴儀 分引出 案熙紀天會十三年三月戊戌詔諸

國使賜宴不舉樂十二月癸亥始定齊高麗夏朝賀賜

宴朝辭儀交聘表大定二十六年正月以宣孝太子未

燒飯詔權停三日曲宴禮三國人使各賜在館宴

朝辭儀 唱各好去 唱元作喝是

以景宗忌辰 宗當作宣

中丞李宴 宴當作晏

完顏居貞等 居當作守

新定夏使儀注 人使館伴所牽攏官 人北作又是

皆裏帶 裏元作裏是

賜宴於管 管已作館

且鞠躬 且北作齊是

客省傳示來使辭日 日北作日

人從立再如前儀 再下已加拜

代以銀三錠 錠當作鋌

卷三十九

樂志上

雅樂 則漢律所用指尺 律元作津是

擇其諧者而用之 秋澗集盧龍趙氏家傳司正府君子

侃曰和之為協律即金未南遷校量鍾律獨黃鍾抑而

不揚既至汴林鍾復爾雖更鑄尚然歎曰八音與政通

陰陽消長所在可以卜時之治忽中興其不竟乎既而

金亡 案金人議律甚少史有歷志為無律志至南渡

尤略故補

故宋景靈宮之趾也 趾元作址是

宗廟 酌獻 此下當加始祖室

獻帝 帝當作祖

其別廟昭德皇后 昭北作聖非

樂舞名數 簫一 一元北並作二是

與親祠同 元史樂志樂服注云金太常寺掌故張珍所

著列代世範載金制舞人黑衫□□襖有黃插口左右

垂之黃綾抹帶其衫以紬爲之胸背二蒼兩肩二蒼前

後各一蒼皆彩色繡儀鸞盤飛之狀□之於衫冠以平

冕亦有天板口圈天門納言以紫緞標背銅裏邊圈前

後各五旒以青白玉石珠相間 案文不詳舞人服色

制恐未備故錄

皇帝受冊寶 皇太子 已作皇帝

御樓宣赦 撞黃鐘之鐘 黃鐘當作黃鍾

郊祀樂歌 黃鐘宮昌甯之曲 鐘當作鍾下黃鐘並同

太呂宮昌甯之曲 太當作大下太呂並同

神甯之曲 神元作坤是

理幣瘞血 理元作埋是

圓鐘宮 鐘當作鍾

方丘樂歌 林鐘宮再奏太簇角再奏 鐘當作鍾 簇

當作簇下林鐘太簇並同

應鐘宮豐甯之曲 鐘當作鍾

卷四十

樂志下

禘祫 夾鐘宮昌甯之曲 鐘當作鍾下夾鐘並同

疊樽在戶 戶元作戶是

承天之祐 祐北作祐非

黃鐘宮三奏 鐘當作鍾下黃鐘並同

太簇徵二奏 簇當作蔟下太簇並同

應鐘羽二奏 鐘當作鍾下應鐘並同

傅碩肥膺 傅元作博是

尊嚴廟祐 祐元北並作祐是

究馴俗媿 究當作化

朝亨太廟 錫鑿戾止 錫元北並作錫是

元酒大羹 大當作太

貽謀丕赫 丕北作不非

夾鐘福甯之曲 當作夾鐘宮福甯之曲

申錫厥後 案此樂歌為大定十九年以前所奏德帝安

帝無詞已祧廟也熙宗無詞未增室也

殿庭 宮縣樂太簇宮泰甯之曲 樂已作奏

四海太平 案此詞八句並不叶韻

文武入 武當作舞

如天強明 明元作名是

登歌嘉禾之曲 案此曲舞名並與禮志不合已見上
靈貺杳來 杳元作杳是

王道昌明之曲 案昌明上作明昌

冊使入門昌甯之曲 昌上當加奏

宮縣洪甯之曲 洪上當加奏

宮縣泰甯之曲 泰上當加奏

鼓吹導引曲 工歌迭奏升平曲 迭元作疊

練時廟見嚴昭報 練北作揀

儀志上

卷四十一

初國制 北本不提行已改

冊皇太孫亦如之 案章宗泰和八年五月丁未御應天

門備黃麾立杖受宋獻賊臣首事志略

長壽幢一 此下當加五人

第一部都尉三員 三當作二 案此加減與半仗二千

二百六十五人適合

長壽幢一 此下當加五人

第一行五部 當作五部第一行

第二行第一部 當作第一部第二行

鈞容直三百六人注人員七 七元作六

言校三
金輅下六十四人注控馬踏路回 當作控踏路馬四
共百三十四人注押馬六人 四字當升作大字移入下

象二十三人文上

鼓吹樂二 二元作工是

幟弩一注赤平巾幟 幟北作績非

刀盾三十六注寶花衫 花上當加相

折衝都衛三人 衛當作尉

朱雀旗一五人注寶花衫 花上當加相

引旗四人注寶花衫革帶大口袴 花上當加相 袴下

當加執弓矢

副竿二注寶花衫 花上當加相

步甲隊 元本提行非

五百二十三人注侍御在外 案此數除去侍御二員正

合然上文明言攝官在內此復在外何耶

簫二十四笳二十四 集禮無笳二十四疑脫寫

折衝都尉二人 衝下當加果毅

第十隊五十二人 此下當加折衝果毅都尉二人

柯舒二十四 柯已作哥 案宋志作哥舒云黑漆棒

引駕龍墀隊 隊上當加旗

廣武節級一人注服同御馬 御元作控

第六部二百七十二人注服牟花衫 牟元作阜是

駕士九十四人注抹額 額當作帶

水罐二香毬一唾盂一厮羅一手巾一御椅三人踏床一

二十二字當降作小注 罐元作罐是

夾輅大將軍二人 此上集禮有管勾將軍注云披簡金

甲

部押二人注阜袍 袍當作帽

鎗二十五人 鎗已作槍

銀鎗六隊 鎗已作槍

鎗二十五人 鎗已作槍

員一人注長行三十人 長行二字當削

殿中侍御衛大將軍 御下當加左右屯

中道後部鼓吹第二百二十人 第當作等

卷四十二

儀衛志下

大駕鹵簿 內增控馬司圍挾馬司圍 圍已作圍

次栲栳隊 草木子元朝樂駕遵依金制駕後用馬軍栲

栳隊是也

皇太子乘金輅上疑其非禮 金當作綴 顯紀 疑北作擬

非

長行一百八人注執金鎗 鎗元作槍是

長行一百八人注服並如上銀槍 銀當作金

及叉仗 北無仗非

掌輦注武弁 弁北作牟非

象輅革車木輅 車當作輅

通七千五百四十八人 玉堂嘉話金道陵元會圖及郊

天儀仗圖郊天圓丘圖曾聞某官說當時掌禮者房千

里中外幾用三萬人未知方澤制度與此何若 案据

此文實止七千餘人則王說夸矣

皇太后皇后鹵簿 案集禮作大定十九年昭德皇后吉

儀

次金吾衛折衝都尉一人注錦騰蛇 此下當加銀梁金

隱起帶

短戟五色斨注執者 斨當作擊降作小注在執者上

戈五色斨注執人 斨當作擊降作小注在執人上

夾一人 一當作二

次左右相牙門 相元作廂是

皇太子鹵簿 案集禮大定八年儀

誕馬四八人 八上當加控排

笏六 六當作四

朱團扇三紫曲蓋三朱團扇三紫曲蓋三 北本無下八字是

司禦率府一人 府下當加校尉

百官儀從 大理少府等官 府已作卿

正八品 北本提行非

親王府文字 字當作學

司屬丞 司北作同非

卷四十三

輿服志上

三用銀褐黃青羅錦三色 三用當作並用

革輅 革北作黃非

耕根車 蓋三重 集禮作二層 王母山人親

進賢車 並鳳 並下當加繡

白鷺車 紅綾帶 綾當作綬

羊車 二轆 此後當加革車屬車依見有制度成造

大輦 幘錯 鶴林玉露云絲囊之制以小鈴十繫之按

式名曰幘錯黃金塗金白金三等是也

皇后之車 紅羅明金衣褥 此下當加全

皇太子車 駕赤駟六 駟當作駟

高一丈七尺 此下當加三寸 集禮

輿服志中

目 祭服 此後當加公服

與夫窄紫服展阜等事 元無服字是

冕制 旒各長一尺二寸 各北作名非

有金鐸子二枚 枚元作梅非

鎮圭 書鎮圭式樣 書元作畫是

大圭長以尺壹寸 元作長尺一寸無以字是

四鎮山為飾 四上元有以是

皇后冠服 王母隊仙人 當作王母仙人隊

禕衣 領襍襪 襪上當加袖

明金帶腰 當作明金腰帶

大綬一長五尺 五上當加一丈

各長一丈五寸 丈當作尺

皇太子冠服 白襪 白北作曰非

臣下朝服 案集禮貞元元年遷都燕京制

雜花暈錦玉環綬餘並同 此下北有注三品舊無四小

字

祭服 然君冕服 君下當加臣

而唐孫茂道 而字當削

公服 一品玉帶 趙興祥傳海陵賜以玉帶詔曰汝官

雖未至一品可佩此侍立

當直則窄紫金帶 世宗紀大定二十五年五月命尙書

省奏事衣窄紫

輿服志下

并良間官八品以上 未詳

卷四十四

兵志

序 眡列於篇 眡當作臚

五年伐宋之役 五當作四

調燕山雲中中京上京東京遼東平州遼西長春八路民

兵 案文爲九路若併東京遼東平州遼西各一路則
又止七路矣大抵仍遼舊而分併之

熙宗皇統五年 宗下當加天眷三年罷漢渤海千戶謀

克 案熙紀無文從大臭傳補且據下文皇統又罷語

知必係脫載

宗正宗敬之族 敬已作敏

按達族屬 按達卽按荅海

六年南伐 六上當加正隆

乃散契丹隸諸猛安謀克 見世宗紀大定三年及完顏

兀不喝傳

有父兄俱充甲軍 亾當作已

十二年 二元作三

上謂幸臣曰 幸元作宰是

以奴代者罪之 見李木魯阿魯罕傳

遷河北東路兩猛安 此下當加于大名東平等路

按視其地 其北作共非

彼方之人 彼元作被非

以上京率胡刺温之地 世宗紀作率督畔窟烏古論粘

沒曷傳胡刺温屯人

二十四謀克 紀作三十

曰迭刺部注改為土魯渾凡石合節度使 凡當作札

西北西南之紮軍十 十已削

萌骨紮 案地志西京有移典紮無萌骨紮豈先為移典

後改萌骨抑刊訛耶

承安四年上謂宰臣曰 然知之猶愈不知 一百五十

二字當削 案文複見夾谷清臣傳且此文上言進士

下言武舉文氣本自連貫中間忽雜以宋白所集武經

何為哉此史官濫鈔率筆

強壯者皆刺其注缺 案缺字元本空白

宗望及令罷還 及當作乃

環葭澳 澳當作喚

卽此曹也 案此卽在京號飛虎軍者見哀紀及白撒傳外有陝

西勇敢軍衛紀大年華州長勝軍宣紀貞祐三年隴州振威軍與定

元邳海濱勝軍與定三年歸德義勇軍與定五年鐵瓦敢戰軍散

安貞保德振威軍古里甲石倫傳洛陽愍子軍強仲傳又救駕軍

兀林塔胡土又熊虎軍徒單兀陝州破敵軍同徐邳義勝軍

承立單州鎮安軍粘合荆山傳息州虎子軍婁室傳東平宣銳

軍造山集陝西排翻翅軍完顏仲元花帽軍阿鄰黃鶴

袖軍俱本等志皆略去 又宋季亦有神勇軍勇信軍

獅子崖義士軍湖南飛虎軍等號不在禁廂兵數

禁軍之制 真元 真元作貞是

付太興府 太當作大

置都副指揮使 置下當加馬軍

省爲三千五百 此下當加二十五年定爲三千

承安四年增爲五千 增下當加親軍 案此非承守衛

軍文乃遙承上親軍文

而置統軍司於山西河南陝西三路 山西當作山東地志

正隆末復陞陝西統軍司爲都統府 案世宗紀大定三

年五月罷河南山東陝西統軍司置都統副統

置於應州 應當作桓

置於桓州 桓當作豐

小者有從宜之名 濟瀆靈應記有宣差從宜經略使僕

散桓端

元光間時 當作又貞祐時

故時皆稱元帥爲總領云 養新錄汪秀峯收得金官印

一日提控所菜字印興定元年九月行宮禮部造興定
者金宣宗年號其時中都陷沒南遷於汴故有行宮禮
部之稱金史百官志屢見提控字未有以提控爲專署
者菜字亦不知何義當取周興嗣千字文編號耳 案
提控之名史中如刊修畫像鎮撫急遞諸門等文上皆

加此二字乃屬虛文非若提領提舉提點之爲實職又
熙宗世宗有詳定詳校所章宗有講議所宣宗有招賢
所雖暫立卽罷皆有官稱惟提控所官不經見今所印
可據知當日必有此稱史文略耳攷移刺福僧傳云乞
勅按察使專一體究宣差提控嚴勒禁治計其時在泰
和末年已有此名諒無所印至貞祐南渡兵力益弱必
倚此軍以爲重以是禮部始有編號遞給等事然此所
乃專領義軍者山寨招募自相統攝不屬州縣與正軍
不同故有正官并領此軍者則以對品兼充有白身推
領此軍者授以對品官職其級次自謀克千戶萬戶副

統都統提控而上凡六等若詔授者則加宣差字領軍約四千八百人總領便宜從宜又因事各殊其號此制詳古里甲石倫蒙古綱兩傳惜此軍多勇猛兇悍盜竊亾命之徒且有乃滿羌渾雜其中尤喜驚很凌奪初雖建功卒以致敗是以胥鼎請別立彈壓訓練等官李革陳規請罷爲將帥以昇州縣其意深矣今攷其制義軍都提控貞祐二年設以經略節度刺史充副提控以同知節度總管兼都統正七品副統正八品萬戶正九品千戶正班謀克雜班 又案官志載入元帥府文下惜未詳備故附攷於此

幹里保注保亦作本 卽下甌里本

薄速幹 卽下蒲速椀

詳穩脫朶 官志羣牧注作埽穩脫朶

養兵之法 並增廩給 此下當加四月命增山東路泉

水畢括兩營軍士廩給 海紀

歲以羊皮三萬 皮字當削

馬四匹芻藁 藁北作蒿非

春秋衣麤布一段 秋字當削

金史詳校卷三下

同治己巳七月烏城汪日楨
校錄于會稽縣之開元寺

金史詳校卷三下
同治己巳七月烏城汪日楨
校錄于會稽縣之開元寺

